



Terenga 4: Hōtaka 48 - Ka...ai

He Mihi

Tauti mai anō rā ki te papakāinga e rangona ai te reo Māori e whakapuakina ana e Ngāi Pīkoko. Ko tā tātou i konei, he whakatairanga i te reo ki te kōmata o te rangi.

Hei Mahi Whakarongo

E whai ake nei ngā whakamārama a Te Kāhautu mō te pepeha rongonui a Mataatua. Anei ngā pātai hei whakautu mā koutou:

1. Ko wai a Muriwai?
2. He aha i kīia ai he 'ika huirua'?
3. Ko wai mā i mate?

He Whakamārama

Mena kei te kōrero tātou i tētehi hātepe, i tētehi tukanga rānei, ka tino whai wāhi mai tētehi whakamahinga o te pū 'ai'.

Ka ... ai = Kātahi ka...

Anei ētehi tauira e kitea ai te whakamahinga o tēnei whakatakotoranga:

1. Whakatata atu ki te kūaha, **ka** tango **ai** i ō hū.
2. Tirohia aku ketuketunga, **ka** whakahoki kōrero mai **ai**.
3. Me tū te pahi ki Hatupatu, **ka** haere **ai**.

Hei Mahi

Whakamāorihia ēnei rerenga:

1. Put a stamp on the envelope and then put it in the box.
2. Read the instructions and then erect the bookshelf.
3. Sign the contract and then send it back to me.
4. Fill the kettle with water and then turn it on.
5. I'll arrive at 10 o'clock and then we'll go, okay?

Whakautu:

1. Whakapirihia he panekuīni ki te kōpaki, ka purua ai ki roto i te pouaka.
2. Pānuihia ngā tohutohu, ka whakatū ai i te paenga pukapuka.
3. Waitohungia te kirimana, ka whakahoki mai ai.
4. Whakakāia te tiaka ki te wai, ka whakakā ai.
5. Ka tae atu au ā te tekau karaka, ka haere ai tāua, nē?